

SAMOA

Faatulagaina o Aiaiga

- | | |
|---|---|
| 1. Igoa puupuu ma le amataga | 6. Totogifuapauina po o tau faaee atu ua faaee atu po o ua aoina mo se laisene po o se auaunaga ua tuuina atu ia ave e faapea ua aloaia |
| 2. Tulafono o le Pulea o Ata Tifaga 1978 | 7. O le aloaia o totogifuapauina po o tau faaee atu i totonu o tulafono faatonutonu |
| 3. Tulafono o Laisene o Pisinisi 1998 | |
| 4. Tulafono o le Faalapotopotoga o le Malosi Faa-Eletise 1980 | |
| 5. Totogifuapauina ua faatonuina e tulafono faatonutonu | |

2008, Nu. 25

O SE TULAFONO e teuteu ai totogifuapauina ma tau faaee atu e totogi i le Malo i totonu o Tulafono eseese ma ia faia ia aloaia totogifuapauina ma tau faaee atu ua faaee atu po o ua aoina mo auaunaga ua tuuina atu e tusa ai ma se galuega tauave i lalo o le Tulafono talafeagai, ma mo faamoemoega e fesootai i ai.

[18 Iulai 2008]

UA FAIA e le Fono Aoao Faitulafono a Samoa i totonu o le Palemene ua potopoto e faapea:

2 *Teuteuga o le Tulafono o Totogifuapauina* 2008, Nu.25
Eseese

1. Igoa puupuu ma le amataga-(1) E mafai ona taua leni Tulafono o le Tulafono o Teuteuga o le Tulafono o Totogifuapauina Eseese 2008.

(2) O leni Tulafono e amata faamamaluina i le aso e tuuina i ai le maliega a Le Ao o le Malo.

2. Tulafono o le Pulea o Ata Tifaga 1978 - Ua teuteuina le Tulafono o le Pulea o Ata Tifaga 1978 i le faaofiina i ai o leni lisi o totogifuapauina i le faaiuga o le Tulafono:

“Faamatalaga 1

Fua Faasolo o totogifuapauina

Mea taitasi	Ituaiga o totogifuapauina	Taimi masani faatulagaina/iunite	ST\$
	LAISENE		
1	Totogifuapauina faavae mo se laisene o se tagata e faaalua ata	talosaga muamua	1,000.00
2	Laisene o le tagata e faaalua ata	i le tausaga	500.00
3	Laisene o le Tagata Faapitoa e faaalua ata	i le aso	20.00
4	Laisene o le tagata e faauneina atu ata tifaga	i le tausaga	400.00

	FAAVASEGAINA		
5	Uili ata tifaga	i le uili ata tifaga e tasi	56.25
6	Igoa	i le igoa e tasi	22.50
7	Kopi o ata tifaga	i le kopi o ata tifaga taitasi	5.60
	TALOSAGA TETEE		
8	Talosaga tetee i le faaiuga a le Tagata Pasi Ata Autu	i le talosaga tetee e tasi	20.00

3. Tulafono o Laisene o Pisinisi 1998 - Ua teuteuina le Tulafono o Laisene o Pisinisi 1998 i le:

- (a) aveesea o le upu “Faamatalaga” i totonu o le fuaiupu 4 (1) ma le Faamatalaga ma faaofi upu nei “Faamatalaga 1”;
- (b) faaofiina o lenei fua faasolo o totogifuapauina i le tuanai ai o le Faamatalaga 1:

“Faamatalaga 2

Fuaiupu 6 (1) (c):

Fua Faasolo o totogifuapauina

Mea taitasi	Ituaiga o laisene	Taimi masani faatulagaina	SAT
1	O se pisinisi po o se gaoioiga tau le tamaoiga o lo o tauaveina e se kamupani po o se mea e tausia faamavaega	i le tausaga	500.00

4 *Teuteuga o le Tulafono o Totogifuapauina* 2008, Nu.25
Eseese

2	Tagata malaga fai pisinisi	i le tausaga	500.00
3	Pisinisi faapitoa	i le aso	20.00
4.	So o se isi lava pisinisi po o se gaoioiga tau le tamaoaiga	i le tausaga	220.00

4. Tulafono o le Faalapotopotoga o le Malosi Faa-Eletise 1980 - Ua teuteuina le Tulafono o le Faalapotopotoga o le Malosi Faa-Eletise 1980 i le faaofiina ina ua tuanai le fuaiupu 23 o le aiaiga e faapea:

“**23A. Ia fuafua e le Minisita se tau faaee atu faaopoopo e ala i se faasilasilaga-**(1) E mafai e le Minisita mai lea taimi i lea taimi, e ala i se faasilasilaga e lomia faasalalau i le Savali, ona fuafua se tau faaee atu faaopoopo mo le tuuina atu o le eletise i luga o ia aiaiga ma tuutuuga e pei ona fuafuaina e le Minisita i luga o le fautuaga a le Faalapotopotoga.

(2) O le tau faaee atu faaopoopo ua na o se aofaiga e tauia ai le Faalapotopotoga mo le totogi o suauu faaaogāina mo le tuuina atu o le eletise.

(3) E mafai e le Minisita ona toe iloilo le tau faaee atu faaopoopo ma iloilo pe tatau ona faalēaogāina le faaiuga.”

5. Totogifuapauina ua faatonuina e tulafono faatonutonu-(1) O lenei Tulafono ma le Tulafono o Teuteuga o Totogifuapauina Eseese 1998 e lē tatau ona taofia ai le pule faataga po o le malosiaga ua aiaia i totonu o so o se Tulafono e faatonu ai so o se totogifuapauina e ala i tulafono faatonutonu ua faia i lalo o so o se Tulafono.

(2) So o se totogifuapauina po o se tau faaee atu ua teuteuina po o ua aiaia e lenei Tulafono e tatau ona avea e faapea ua aloaia mo faamoemoega uma e tusa lava pe ua aiaia e le Tulafono talafeagai e faapea o le totogifuapauina po o le tau faaee atu o le a faatonuina e tulafono faatonutonu.

(3) O lenei fuaiupu e tatau ona faamamaluina mai le taimi ua tuanai.

6. Totogifuapauina po o tau faaee atu ua faaee atu po o ua aoina mo se laisene po o se auaunaga ua tuuina atu ia avea e faapea ua aloaia - So o se totogifuapauina po o se tau faaee atu ua maea ona faaee atu pe ua aoina mo se laisene po o mo se auaunaga ua tuuina atu e tusa ai o se galuega tauave i lalo o le Tulafono o le Pulea o Ata Tifaga 1978, le Tulafono o Laisene o Pisinisi 1998 po o le Tulafono o le Faalapotopotoga o le Malosi Faa-Eletise 1980 e tatau ona avea e faapea ua aloaia le faaee atu po o le aoina mo faamoemoega uma.

7. O le aloaia o totogifuapauina po o tau faaee atu i totonu o tulafono faatonutonu-(1) I le noatia ma le fai fuafua i le faafuaiupu (2), o tulafono faatonutonu uma ua faia i lalo o le pule faataga a so o se Tulafono e mafai ona toe aloaia ai mai le taimi ua tuanai totogifuapauina po o tau ia sa faaee atu mo laisene sa tuuina atu i lalo o le pule faataga a le Tulafono, po o mo auaunaga ua tuuina atu i lalo o se galuega tauave po o se matafaioi faale-tulafono.

(2) O se tulaga aloaia i lalo o le faafuaiupu (1) faatoa mafai ona faaaogā e aloaia ai totogifuapauina po o tau faaee atu ua uma ona faaeeina atu po o ua aoina mo:

- (a) se laisene ua tuuina atu i lalo o le pule faataga a le Tulafono talafeagai; po o
- (b) se auaunaga ua maea ona tuuina atu e tusa ai o se galuega tauave po o se matafaioi i lalo o le Tulafono talafeagai.

6 *Teuteuga o le Tulafono o Totogifuapauina* 2008, Nu.25
Eseese

(3) O se totogifuapauina po o se tau faaee atu ua faaee atu i lalo o so o se tulafono faatonutonu e tatau ona avea e faapea ua aloaia i lalo o lenei fuaiupu pe afai o aiaiga o le tulafono faatonutonu o lo o faailoa ai e faapea ia faaaogā le totogifuapauina a o le i amata faamamaluina le tulafono faatonutonu i laisene ua tuuina atu po o i auaunaga ua tuuina atu a o le i amata faamamaluina, ma e lē tatau i le tulafono faatonutonu ona taua maoti ai e faapea o le tulafono faatonutonu ua faamoemoe e faamamaluina mai le taimi ua tuanai.

(4) O lenei fuaiupu e tatau ona faamamaluina mai le taimi ua tuanai.

**O le Tulafono o Teuteuga o le Tulafono o Totogifuapauina
Eseese 2008 o lo o faafoeina e le Matagaluega o Tupe.**

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**